

溫國文正司馬公文集

二

新刊
司馬文正公集

PDG

溫國文正公文集卷第一

古賦

進交趾獻奇獸表

交趾獻奇獸賦

稷下賦

靈物賦

進交趾獻奇獸表

嘉祐八年十一月初三日

臣光言今月二十五日有詔詣崇政殿觀交州所獻異獸曰麒麟者臣愚不學不足以識異物竊以麟瑞獸也曠世而不可覲其於經有名而無形傳記有形而去聖久遠衆說紛揉自非聖人莫能識其真況承學之臣固不能決其是非也臣光

中謝

竊以王者道



盛德至格于神明則有仁獸不召而自至不羈而自馴此其所以爲瑞也今是獸也生於遐荒拘之檻櫜載之方舟輿曳萬里致於闕庭形質詭異不應經傳真偽之間未易究則儻其真也則非自然而來設其偽也徒爲遠夷所笑殆非所以發揚聖朝之光輝補益治平之實效也旅獒曰不作無益害有益功乃成不貴異物賤用物民乃足犬馬非其土性不畜珎禽奇獸不育于國不寶遠物則遠人格所寶惟賢則邇人安臣竊以爲宜延見使者賚之金帛賜以詔書嘉答其意歸其麒麟使復故壤然後登俊傑之才修政治之實使家給人足禮興樂行四夷賓服天瑞自至以遵旅獒之意不亦盛乎臣不勝憤悱謹述交趾獻

奇獸賦一篇奉表投進以聞

交趾獻奇獸賦

皇帝御天下三十有六載化洽於人德通於神通無
不協遠無不臻粵有交趾來獻麒麟其爲狀也熊頸
而鳥喙絺首而牛身犀則無角象而有鱗其力甚武
其心則馴蓋遐方異氣之產故圖謀靡得而詢於是
降輶車之使發旁縣之民除塗於林嶺之隘引舟於
江淮之濱曠時月而涉萬里然後得入覲於中宸與
夫雕題卉服之士南金象齒之珍款紫闥而望入充
彤庭而並陳於是羣公卿士百僚庶尹儼然垂紳薦
笏振進而稱曰陛下功冠邃古化侔儀極恭承神祇
嚴奉宗稷純孝烝烝小心翼翼出入起居不忘於訓

典進退周旋必資於軌則體文王之卑服遵大禹之
菲食宮室觀臺無磬刻之華輿馬器用無珠玉之飾
遊必備於法駕燕不廢於朝夕此皆帝王所不能爲
而陛下行之尚不忘於休惕是以方內乂寧黎民滋
殖垂髫之童耳皆習於詩禮戴白之叟目不睹夫金
革至於根著浮流跋行喙息無不翔舞太和涵濡茂
澤此殊俗所以嚮臻靈獸所以來格雖漢室之初黑
鵬貢於絕徼周家之隆白雉通於重譯殆不足方也
臣等謂宜命協律播之聲歌詔太史編之簡策以發
揮不世之鴻休張大無倫之丕績不亦偉乎皇帝乃
穆然深思愀然不怡曰吾聞古聖人之治天下也正
心以爲本修身以爲基閨門睦而四海率服朝衆和

而羣生悅隨故務其近不務其遠急其大不急其微
今邦雖康未能復漢唐之宇俗雖阜未能追堯舜之
時況物尚疵癘而民猶怨咨朕何敢以未治而忘亂
未安而忘危享四方之獻當三靈之釐且是獸也生
嶺嶠之外出沮澤之湄得其來吾德不爲之大縱其
去吾德不爲之虧奈何貪其琛賁之美悅其鱗介之
奇容其欺紿之語聽其諂諛之辭以惑遠近之望以
爲蠻夷之嗤不若以迎獸之勞爲迎士之用養獸之
費爲養賢之資使功烈烜赫聲明歲黷廢耳目一日
之玩爲子孫萬世之規豈不美歟於是群臣拜手稽
首咸曰此盛德之事臣等愚戇所不及陛下誠有意
於此臣等敢不同心竭力對揚而行之皇帝於是御棧

樓之篇觀大畜之繇延黃髮之儒顯巖穴之秀善有
可旌無間於幽遠言有可采不棄於微陋位匪德而
不升官無能而不授使稷契居左皋夔立右伊呂在
前周召待後相與講經藝之淵源覽皇王之步驟求
大化之所未孚訪惠澤之所未究興民之利若瘼夫
飢渴除民之害若憂夫疾疫賜予簡而功無所遺刑
罰清而姦無所漏浮費省而物不屈於求須苛役蠲
而農不妨於耘耨使之夏有葛而冬有裘居有倉而
行有糗絲續之饒足以養其老甘脆之餘足以慈其
幼地不加廣而百姓足賦不加多而縣官富道塗之
人恥爭而喜讓閭閻之俗棄漓而歸厚戶知禮義之
方人享期頤之壽然後旗裘之長頓顙而讐服祝髮

之渠回面而奔走靡不投利兵而襲冠帶焚僭服而
請印綬於是三光澄清萬靈敷佑風雨時若百穀豐
茂休氣充塞殊祥輻輳甘露霖霖於林薄醴泉膏沸
於嵌竇華英羅植於階池朱草叢生於庭雷鳳凰長
離駢枝而結巢黃龍騶虞群友而爲畜由是觀之則
彼裔夷之凡禽瘴海之怪獸皮不足以備車甲肉不
足以登俎豆夫又何足以耗水衡之芻而污百里之
園者哉

稷下賦

齊王樂五帝之遐風嘉三王之茂烈致千里之奇士
總百家之偉說於是築鉅館臨康衢盛處士之遊壯
學者之居美矣哉高門橫開夏屋長檐罍壘明潔凡

杖清嚴爾乃解佩華纓淨冠素履端居危坐規行矩
止相與奮髯橫議投袂高談下論孔墨上述羲炎樹
同拔異辨是分非榮譽推株爲之蒞蒞訾毀程美化
爲瑕疵譬若蘭芷蒿莎布獲於雲夢之沕鴻鵠鵠
鼓舞於渤澥之涯於是齊王沛然來遊欣然自喜謂
稷下之富盡海內之美慨乎有自得之志矣祭酒荀
卿進而稱曰吾王闢仁義之塗殖詩書之林安人之
慮廣致治之意深然而諸侯未服四鄰交侵士有行
役之怨民有愁痛之音意者臣等道術之淺薄未足
以稱王之用心故也王曰先生之責寡人深矣願卒
聞之對曰臣聞之砥礪亂玉魚目間珠泥沙漲者其
衆恩菹莠茂者其穀蕪網者棄網而失叙行者多岐

而喪塗今是非一槩邪正同區異端角進大道羈孤
何以齊蹤於夏商繼軫於唐虞誠能撥去浮末敦明
本初修先王之典禮踐大聖之規模德被品物威加
海隅忠正修列讒邪放疎行其言不必飽其腹用其
道不必暖其膚使臣飯梁藿肥而餐驕君之祿不若
荷鉏秉耒而爲堯舜之徒惜夫美食華衣高堂閒室
鳳藻鵠義豹文麋質誦無用之言費難得之日民未
治不與其憂國將危不知其失臣竊以大王爲徒慕
養賢之名而未覩用賢之實也已

靈物賦

元豐元年六月
二十七日作

有物於此制之則留縱之則去卷之則小舒之則鉅
守之有主用之有度習之有常養之有素譽之不喜

毀之不起誘之不遷脅之不畏吾不知其何物聊志
之於茲賦

溫國文正公文集卷第一

溫國文正公文集卷第二

古詩

春獵

八月十五日夜寄友人

戲下歌

烏栖曲二首

海仙歌

宮漏謠

華州祇役往馮翊留別楚正叔建中

孟嘗君歌

維山引

洛陽少年行

將軍行

何秀才

漢倫郊園五首

夏日過陳秀才園林

陪同年吳冲卿登宿州北樓望梁楚之郊訪

古作是詩

燕歌臺

楚宮行

塞上 六言

柳枝詞 十二首

奉和經略龐龍圖延州城南八詠

迎薰亭

供兵礮

柳湖

飛蓋園

翠漪亭

延利渠

緣雲軒

禊堂

天馬歌

河上督役懷器之寄呈公明叔度時器之鞠

獄滄州

華星篇

時規
中綴
同
釗寄

宿石堰夜聞牧馬者歌

楊白華

都下秋懷呈聶之美

陪張龍圖南湖署飲六言

道傍田家

送李汝臣同年謫官導江主簿

春日書寄東郡諸同舍

和邵不疑校理蒲州十詩必

飲亭亭有流盃渠

涌泉石樞密學士蔣公知府事得公石大如

對曰此蓋涌泉石也乃於飲亭之下鑿池為

暑以清

翠樓

碧樓

靜齋

槐軒

涼遠一字

芙蕖軒

惜花亭

竹軒

秋日寄山中友人

和之美舟行雜詩八首

舟中夜坐

船行遇風

野花

水鴨

魚鷹

署魚者

都門路

吳冲卿直舍閫士安畫墨竹歌

和之美河洲四詩

又和夜雨宿村舍

送伊闕王大夫歌

送韓太祝維歸許昌賦得交字

和興宗夜直聽雨

和之美諷古

和之美二貧詩

送薯蕷苗與興宗